

POLEMICA ASOMA - SAC - MIGHTY TALENT

A continua te 4'or ayera madrugada

ORANJESTAD(AAN): Te cu ayera mainta 4 or, no tabata sigur si lo tabata tin final di Concurso di Calypso y Roadmarch awe nochi, despues cu ASOMA, lidernan (y representantenan) di banda a reuni cu Sr. Milo Croes y Mighty Talent y despues entre nan mes sin Sr. Croes y Talent, despues di e ultimo anochi di clasificacion.

E polemica tabata tin un historia su tras cu por lesa den otro articulo, y cu a culmina den e reunion di casi 3 ora cu a termina madrugada.

Den e di dos anochi di clasificacion, Mighty Talent a presenta solamente cu su Roadmarch y no a canta su calypso.

El a para riba cu Sr. Milo Croes (SAC) a bise cu e por cantante si e kier, of defende su corona den anochi final cu esaki.

Mighty Talent a ser convoca pa e reunion cu lidernan di banda despues di e anochi, y a reuni cu lidernan di banda, ASOMA y Sr. Milo Croes, mientras cu juradonan pa den tabata haciendo nan conteo di punto di e dos anochi.

Den e reunion aki aparentemente expresionnan lo a cay di tanto Mighty Talent como di Sr. Milo Croes, cu no a cay na agrado di e lidernan di banda y musiconan presente y cu a hasta considera cierto expresionnan di lo ta insultante den nan direccion.

E expresionnan aki no a cay na agrado ningun momento di e musiconan etc.

Den oficina di Club Bonaire e juradonan a tene nan reunion di conteo di punto mientras tanto.

Debi na decisionnan tuma anteriormente, locual ta ser splica den otro articulo di e edicion aki, **Mighty Talent no a clasifica pa final di calypso, pasobra e no a participa den e concurso pa Calypso.**

Den e di dos reunion di anochi, entre lidernan di banda y ASOMA relaciona cu e clasificacionnan, a ser discuti y analisa e situacion cu a wordo crea.

Oreo di Mighty Talent tabata e unico agrupacion cu no tabata tin representante na e reunion.

Mighty Talent como lider a wordo invita y no a presenta. A ser menciona cu el a wordo acerca pa atende e reunion sin embargo e no tabata presente.

Durante reunion a manda busca un representante di Oreo pa e sorteo final y a presenta dos, di cual un di nan a drenta expresando su mes negativo den direccion di e presentenan y a nenga di participa na e reunion y bandona e sala.

Den e reunion a delibera riba sorteo y a keda dicidi manera a ser haci tur aña cu e banda no representa ta toca como banda nr. 1 e anochi final, locual a cay e ora ey pa Oreo di Mighty Talent.

A keda manteni e decision di cu Mighty Talent por canta su calypso si e kier e anochi aki, pero e calypso

lo no wordo huzga pasobra e no a participa den e concurso pa calypso.

Sr. Milo Croes cu despues a drenta e reunion, a ser informa di e decisionnan, y a desaproba tur esaki, locual a trece cune otro vuelta di discusionnan fuerte y cu el a wordo muestra cu a bira tempo pa SAC cuminsa respeta decisionnan tuma pa otro organizacionnan tambe y respeta decisionnan tuma pa ASOMA.

E reunion a termina aki sin cu tabata tin decision concreto riba e intento cu lo por ser haci pa e tres partidonan sinta na mesa cu otro y trata na soluciona e asunto aki.

Durante e discusionnan ey a keda expresa di parti di varios lider di banda cu si e reunion tripartite ey mester tuma lugar mes, ASOMA mester keda para riba nan decisionnan tuma den nan reunionnan cu mayoria di voto di esnan presente y cu no ta cambia esaki.

Otronan a laga sa cu a bira tempo pa musiconan, compositornan, arreglistanan y principalmente nan organo representativo ASOMA, wordo respeta y si cambia decisionnan nan agrupacion lo no participa den final di calypso y roadmarch contest.

Mester menciona aki si, cu NINGUN momento durante tur e discusionnan teni, asunto di PLACA a bin dilanti, of asunto di interes financiero. Tur discusion tabata relaciona cu organizacion di e evento y su desarrollo.

Ayera tardi a sali e comentario cu Mighty Talent ta participa awe nochi na ultimo lugar su so, mientras cu e clasificadonan di su grupo lo

actua apart. Tambe cu Mighty Talent lo presenta cu tanto su calypso como su roadmarch. Tabata tin ademas comentario cu Mighty

Talent lo participa ultimo pero cu su roadmarch so, y esey tampoco por a confirma.

Ayera anochi ASOMA tabata tin reunion na San nicolas cu lidernan di banda atrobe. Na momento di a traha e informe aki no a logra haya sa kico a ser discuti.

FAYECIMIENTO

A muri cristianamente nos queridissima inolvidable madre, abuela y bisabuela



JUANA REYES

mihor conoci como "Titi"

Na number di su yiu; Dominga Reyes Pop
Yiu di crianza; Maria Reyes

Augusto Reyes

Nieto y nietanan; Teresa Ashby
Ana Levestone
Carlos Pop, Eunice Pop
Albert Pop, Lisbel Pop
Susy Pop

Bisnietonan; Lermyn Ashby, Winston Ashby
Eduard Ashby, Leidy Levestone
Wilbyn Levestone, Jason, Jean Pierre Ortega

Primo y primanan, sobtino y sobrinanan y demas famia; Fansto Reyes, Angela Reyes, Gustavo Reyes, Caridad Reyes, Milagros Reyes, Lourdes Reyes, Winston Ashby y famia Shirley Ashby y famia Joaquin Vries, Dinora Bautista y famia, Sharlon Hasham y famia, Luis Ortega y famia, Belkys Eufracia y famia, kier a invita tur amigo, bisifa y conocirnan na e acto di entierro cual fecha y ora lo worde anuncia mas en adelante.

BUSQUEDA CU LUZ

ORANJESTAD(AAN):—U ltimo informacionan cu DIARIO a logra haya di e busqueda ayera di e piscador Hubert Trimon cu a cay na lama na Boca Brabo, ta te anochi laat e busqueda a tuma lugar ayera.

Familiares a presenta cu delco y luz y tabata lusa tur rond den vecindario riba lama pa mira si nan por descubri curpa di e accidentado.


Te na momento cu a cera a edicion akino a drenta mas informe riba e busqueda.

Lotto pa deporte a cumpli un biaha mas cu deporte.

E biaha aki cu e deporte di Schermen.

LOTTO
pa deporte

No lubida di busca bo LOTTO of LOTTO LOCO pa solamente AFI.12,50. Ta AFI. 200.000 tin den wega!



LOTTO LOCO

